



ADMINISTRACIÓN LOCAL

MUNICIPAL

CEE

Ampliación do horario de peche dos establecementos abertos ao público e de finalización dos espectáculos públicos e das actividades recreativas con motivo da celebración da festa/verbena popular festa de Santa Baia de Brens

RESOLUCIÓN

AMPLIACIÓN DO HORARIO DE PECHE DOS ESTABLECEMENTOS ABERTOS AO PÚBLICO E DE FINALIZACIÓN DOS ESPECTÁCULOS PÚBLICOS E DAS ACTIVIDADES RECREATIVAS CON MOTIVO DA CELEBRACIÓN DA FESTA/VERBENA POPULAR FESTA DE SANTA BAIA DE BRENDS

EXPEDIENTE DECRETO: 2024/G003/001130

ANTECEDENTES:

EXPTE. Nº 2024/U029/000070

A Lei 10/2017, do 27 de decembro, de espectáculos públicos e actividades recreativas de Galicia, establece no artigo 4.c) que lle corresponde á consellería competente en materia de espectáculos públicos e actividades recreativas determinar o horario xeral de apertura e peche dos establecementos abertos ao público e de inicio e finalización dos espectáculos públicos e das actividades recreativas. Así mesmo, dispón no artigo 5.f) que lles corresponde aos concellos autorizar as ampliacións ou reducións sobre o horario xeral, atendendo aos criterios, os supostos e as circunstancias que, de ser o caso, figuren na orde de horarios prevista no artigo 17 da Lei.

A Orde da Vicepresidencia primeira Consellería de Presidencia, Xustiza e Turismo do 23 de outubro de 2020, pola que se determina o horario de apertura e peche dos establecementos abertos ao público e de inicio e finalización dos espectáculos públicos e das actividades recreativas, dispón no seu artigo 9.1 que os concellos poderán ampliar para todo o seu termo municipal ou para zonas concretas deste os horarios xerais de peche dos establecementos abertos ao público, así como de finalización dos espectáculos públicos e das actividades recreativas, durante a celebración das festas e verbenas populares, do Entroido, da Semana Santa e do Nadal, facendo compatible, en todo caso, o seu desenvolvemento coa aplicación das normas vixentes en materia de contaminación acústica.

Por Resolución da alcaldía nº 1154/2023, de data 18/12/2023, fixouse o número máximo de días naturais durante o presente ano 2024 nos que poderán ampliarse os ditos horarios neste termo municipal, conforme co disposto no artigo 9.2 da devandita Orde. Na citada Resolución indícase que as datas concretas de ampliación dos horarios determinarase mediante resolución da alcaldía, de oficio ou a petición de parte interesada.

No artigo 9.4 da Orde do 23 de outubro de 2020 sinalase que as ampliacións de horario non poderán superar, en ningún caso, en 2 horas os horarios xerais de peche dos establecementos abertos ao público, dos espectáculos públicos e das actividades recreativas.

Logo de ver o escrito presentado o día 27/11/2024 (registro entrada nº 20240000002799) por (...), en representación da ASOCIACION CULTURAL E DEPORTIVA NOVAS XUVENTUDES, organizadora da festa/verbena popular denominada *Festa de Santa Baia de Brens*, que se vai celebrar no Lg. A Grixá, da parroquia de Brens, deste termo municipal, o sábado, día 7 de decembro de 2024, e no que solicita a ampliación do horario de remate da verbena nocturna ata as 6:30 horas do domingo, 8 de decembro.

Considerando a vontade deste Concello en apoiar e favorecer a actividade das asociacións municipais, que fan posible a celebración destes eventos, así como o apoio ao sector hosteleiro municipal e a actividade das verbenas como celebracións festivas tradicionais de Galicia, todo o cal repercute positivamente en diferentes eidos municipais, sociais e económicos, o cal se debe compatibilizar coa aplicación das normas en materia de contaminación acústica ou outras disposicións legais e, así mesmo, cos dereitos de terceiras persoas e co óptimo funcionamento dos servizos públicos.

No uso das atribucións que me outorga a lexislación do réxime local, **RESOLVO:**

1º. **Autorizar a ampliación en 2 horas** sobre o horario xeral disposto nos artigos 5 e 7 da Orde do 23 de outubro de 2020, da **finalización da festa/verbena popular denominada *Festa de Santa Baia de Brens***, que se vai celebrar no Lg. A Grixá,

da parroquia de Brens, deste termo municipal, **na noite do sábado, 7 de decembro ao domingo, 8 de decembro de 2024**, co cal, o horario máximo de finalización da verbena o día 8 de decembro será ás **06.30 horas**.

2º. **Autorizar a ampliación en 2 horas** sobre o horario xeral disposto nos artigos 5 e 7 da Orde do 23 de outubro de 2020, do **peche dos establecementos de restauración (epígrafe III.2.5, Orde do 23 de outubro de 2020) da parroquia de Brens na noite do sábado, 7 de decembro ao domingo, 8 de decembro de 2024**.

3º. Os devanditos establecementos deberán contar co **título habilitante** correspondente (licenza ou comunicación previa) para o exercicio da actividade.

4º. Publicar a presente resolución no Boletín Oficial da Provincia.

Notificarlle a presente resolución aos interesados, con indicación expresa dos recursos a interpor, e darlle conta ao Pleno da Corporación na primeira sesión ordinaria que realice.

En CEE, 29 de novembro de 2024.

A alcaldesa, Margarita Lamela Louzán

A secretaria, Rocío Hermida Cancela

[Documento asinado electrónicamente]

2024/8669